



UPA 2026/42

5/5-2026

Karen Marie Kyed Frederiksen

Kalaallit Nunaanni Namminersorlutik Oqartussanit uuma akuerineqarnissaa pillugu Inatsisartut aalajangiiffisassaattut siunnersuut: Nunani allamiut pillugit inatsisip allannguutaa pillugu inatsisit assigiinngitsut ilaannik Kalaallit Nunaannut atuutilersitsineq pillugu peqqussummut siunnersuut (Kalaallit Nunaanni najugaqarsinnaanermut suliat suliarineqarnerinut akiliut pillugu malittarisassanik atulersitsineq, sivilisunerusumik najugaqarsinnaanermut visumimik atuutilersitsineq, Schengeninformationssystem (SIS)-mik atuneq, killeqarfinnik avasinnerusunik il.il. nakkutilliinerup sunniteqarluarnissaanik pitsanngorsaaneq siunertaralugu Schengenimut malittarisassanik naammassisaqarneq siunertaralugit, nunamut isertitsisinnaatitaannginneq pillugu aalajangiinnermut aamma nunamiit aallarnissamut piffissaliussat pillugit malittarisassanik allannguneq)
(Isumaginninnermut, Suliffeqarnermut, Ilaqutariinnut Nunamullu Namminerumut Naalakkersuisoq)
(Siullermeerneqarnera)

Naalakkersuisut qujanaq siunnersuummut.

Siunnersuummi pineqarput Nunani allamiut pillugit inaatsisip tulluussarnissaa nunani allamiut assigiimmik pitsaanerumillu sullinneqarnissaat siunertaralugu nunani tamalaani pisussaataaffiit atuuttut tunngavigalugit.

Ilaatigut najugaqarnissamut akuersissuteqarnissamut qinnuteqaateqarnermi akiliisitsisarnermut malittarisassanik atulersitsinissaq siunertaavoq, sivilisunerusumik najugaqarsinnaanermut visumimik atulersitsinissamut akuersissummik pigisaqarnissaq, aammalu nunamut isernissamut inerteqquteqarnerit nunamiillu aallarnissamut killiliussanut malittarisassat naleqqussarnissaat, taakku annertunerusumik Schengeninformationssystem (SIS)-mik attuumassutilimmik atornerqarnerulerniassammata. Tassunga ilutigalugu suliniutit arlallit suliarineqassapput, killeqarfinnik avallernik nakkutilliinermik annertusaataasusaaq, tassani aqqissuussinernik nutaanik atuilernikkut aammalu inuup ilisarnaataasigut kinaassuserseeriaatsimut paasissutissanik (biometri) eqqussinissamut periarfissiinikkut.

Taakku saniatigut siunnersuutip kinguneraa, siunissami najugaqarnissamut akuersissutinik itigartitsinnaalernissaq, atorfinitsitsineq inatsisit malillugit sulinnermut akerliuppat, taamaaliornermi suliffeqarfinnut oqimaaqatigiinnermut tunngaviusimappat. Ataatsimut isigalugu allannguutit kingunerissavaat sammisap nakkutigilluarnerusinnaanera, ataqatigiinnerulernera aammalu ullutsinnut naleqqunnerulernera.

Taamatut oqaaseqarluta siunnersuutip akuerineqarnissaa innersuussutigalugu Inatsisit pillugit ataatsimiitaliami suliareqqitassatut innersuussutigaarput.